

續
文
獻
通
考

續文獻通考卷之二百三十七

皇明進士雲間王圻纂輯

四裔考 西夷

西夷

吐蕃即西番

本羌屬凡百餘種散處河湟洮岷間其酋發羌唐旄等居析支水西後有樊尼者西濟至河逾積石居歧布川或邏婆川 隋開皇中有論贊索者居祥河西既而滅土谷渾盡有其地 唐貞觀中始通中國唐末衰弱種類分散入內屬者謂之熟戶餘謂之生戶 宋時朝貢不絕神哲高三朝皆授以官 遼竊中原時亦入貢又有

小蕃大蕃胡母思山蕃之別 元憲宗始於河州置吐
蕃宣慰司都元帥府又於四川徼外置碯門魚通黎雅
長河西等處宣撫司世祖時復郡縣其地設官分職以
吐蕃僧八思巴爲大寶法王帝師領之嗣者數世弟子
號司空司徒國公佩金玉印章者前後相望其山則岷
崙極高峻雪至夏不消綿亘五百餘里黃河經其南其
風俗樸魯上下一心君臣爲友吏治無文字懷恩重利
尊釋信詛其產金銀銅錫斃牛名馬天鼠皮獨峯駝青
稞麥登豆獐羊地距松潘四百八十里東北鄰陝西東
界四川雲南二省

皇明洪武庚戌秋八月大將軍徐達征西番既拔河州遂

遣耿天壁等招諭番師何瑣南普化兒只汪來等降之
時元卜納王逆命天壁追至阿撒里忙打必失腦兒禿
魯干敗其院使馬密等乘勝同指揮趙琦以兵踰禿魯
干等地擊之卜納王惧遣太子及馬密等獻印牌請降
於是河州以西朵甘思烏思藏等部悉歸癸丑秋令諸
酋舉故有官者至京授職遂以攝帝師喃加巴藏卜爲
熾盛佛寶國師元國公南哥思丹八亦監藏等爲都指
揮同知宣慰使元帥招討等官分其地設都指揮使司
二曰烏思藏曰朵甘指揮使司一曰隴答宣慰使司三
曰朵甘曰董卜韓胡曰長河西魚通寧遠招討使司六
曰朵甘思曰朵甘隴答曰朵甘丹曰朵甘滄塘曰朵甘

川曰魔兒勘萬戶府四曰沙兒可曰乃竹曰羅思端曰
別思麻又千戶所十有七以部之仍其俗封番僧爲六
王曰灌頂國師曰贊善王曰贊化王曰正覺大乘法王
曰如來大寶法王皆給印章 詔命俾領其衆自是襲
封不易每人貢給勘合許其自達云闡化闡教輔教三
王貢使自四川入贊教贊化王自陝西入惟大乘大寶
二法王不給勘合貢無常期惟差僧人入貢今雅州等
處皆貢道也每請封 朝廷命大慈恩寺刺麻僧二人
充正副使奉 詔命及袈裟僧帽數珠鈴杵等往四川
陝西出境 國初平羌將軍宋晟歷洪武永樂中久鎮
西垂陝西諸番畏而服之積功封西寧侯又將軍丁玉

出鎮四川最久威恩並行夷民安輯以故四川諸番敬信十大夫昔人云若在邊疆則邊疆重顧可非其人歟按五王諸僧番族在四川界西寧洮岷番族在陝西界西寧在黃河北洮岷在黃河南其貢則四川威茂松潘金川雜谷達恩蠻諸番僧者三歲一貢貢百人多不過百五十人或歲一貢貢三十人多不過五十人洮岷番寺歲一貢貢一寺四五人番族二年一貢大族四五人小族一二人至京餘皆塞上歷宣德迄天順貢賞漸襲如故 成化十二年貢使賞少減 十九年西番潘松反侵內地巡撫都御史馬文升討之斬首八十三級正德初北虜徙居西海蚕食諸番勢漸吞併識者慮其

勾結深入如前代吐番吐谷渾事當是時虜在西海言
官議前代有屯兵青海以絕羌虜連和內侵者然徵輸
調發民力大困 十年調朔方勁兵逐勦虜逃走松潘
旋歸故巢費以萬計竟無成功 嘉靖元年西番反鎮
守都督鄭卿討之不克自是歲入境殺虜人畜 八年
洮岷番賊數犯鞏昌焚殺尤甚隄右騷動舊律邊兵不
許擅出境及是尚書王瓊請賊入聽官軍襲至賊巢勦
殺以故番人頗畏之未幾移兵入套防秋番賊得乘虛
又入寇臨洮鞏昌等處兵部尚書李承勛請以西事事
責成瓊瓊遂督兵入多勦殺功威頗行于西域顧夷性
非可懷服稍怠輒啟心云 萬曆七年二月閣臣張居

正奏近者接得巡撫甘肅侯東萊差人齎到烏思藏僧
人齋書一紙譯稱釋迦摩尼比丘鎖南堅錯賢吉祥合
掌頂禮 朝廷欽封幹大國事閣下張知道你的名顯
如日月天下皆知有你身體甚好我保佑 皇上晝夜
念經有州二堂地方上我到城中爲地方事先與 朝
廷進本馬匹物件到了我和聞化王執事賞賜乞照以
前好例與我我與 皇上和大臣晝夜念經祝讚天下
太平是我的好心歷書禮物四臂觀世音一尊璽魯二
段金剛結子一方有閣下分付順義王早早回家我就
分付他回去虎年十二月初頭寫等因并虜酋順義王
俺荅亦有稟帖爲本僧轉乞通貢俱投到目臣看得烏

思藏僧入鎖南堅錯乃虜酋俺答所稱活佛者也去年
虜酋西行以迎見活佛爲名實欲西搶瓦剌比時臣竊
料虜酋此行必致敗衄待其既敗而後撫之則彼之威
德愈深而款貢可以堅久乃授策遣臣使之隨宜操縱
因機勸誘陰修內治以待其變今聞套虜連遭喪敗俺
答部下番夷悉皆離叛勢甚窘蹙遂託言活佛教以作
善戒殺阻其西掠勸之回巢又因而連合西僧向風慕
義交臂請貢獻琛來王自此虜款必當益堅邊患可以
永息除求貢一事已奉 明旨下禮兵二部議處惟本
僧所餽臣禮物雖遠人向化之誠難以峻拒但臣係輔
弼近臣叅預密勿義不得與外夷相通查得 國初翰

林學士宋濂因朝鮮國王餽禮求文却而不受曰天朝之臣豈可受小夷之禮 高皇帝聞而深喜之其能守義自重如此況臣列職 帷幄與詞臣不同而通貢大事又非求文之比緣是不敢私受謹略具其事本末仰乞 聖明俯賜裁奪 勅下臣愚遵行庶不孤遠夷歸嚮之誠亦以見人臣不敢自專之義奉 旨卿輔理勲猷宜播遐邇戎狄咸賓朕得以垂拱受成深用嘉悅覽奏具見忠慎宜勉納所餽以慰遠人嚮風慕義之誠

鄭端簡公述史氏之言曰西戎亦能爲中國患從申侯逼遷西周附隗鬻旅拒東漢唐連吐番直入長安宋失熙河併于西夏爲禍不小我以官賞貢市羈縻之西鄙稍

寧正德以後邊防大弛戎心遂啟瓊議欲於洮岷河蘭
間繕城堡遠斥堠廣儲畜謹脩海賊勿使得連西番即
有侵侮請發精兵駐臨洮鞏昌要害之地拒之斯良策
也

哈密城

此通西域自漢武始

國家於西北邊設立甘肅等衛自肅州西七十里爲嘉峪
關關外建七衛而哈密又在六衛西又去肅州不一千
五百餘里本古伊吾廬之地唐之伊州也俗最獷悍其
產馬橐駝玉石鑛鐵糴米豌豆麥大尾羊楸子胡桐律
陰牙角香棗其北天山與瓦剌界西接火州回回韃靼
雜居之爲諸胡往來之津元宋時伊州將陳姓者領其

地封族屬忽納失里爲肅王居之肅王死弟安克帖木
兒嗣

皇明洪武中太祖定陝西命將守嘉峪關 永樂二年諸
番遣使貢馬始即其地設哈密赤斤罕東阿端曲先安
定諸衛改封安克帖木兒爲忠順王仍主哈密其頭目
馬哈麻火口等爲指揮等官 四年 賜王紵絲六十
疋絹二百一十四疋祖母母妃各紵絲六疋絹六疋嬪
母紵絲四疋絹四疋 六年又 賜王紵絲五十疋絹
二十疋織金紵絲衣三套皂麕皮靴二雙瓊襪二雙祖
母母并妃金絲段六表裡未幾被鬼力赤毒死無嗣乃
索其兄之子脫脫自幼伴居中國至是 賜以金印王

帶遣使送入哈密襲王主國事令察諸番向背凡番使
入貢就此譯遣亦漢斷匈奴右臂意也部下有回回畏
兀兒哈刺灰三種各令其酋自爲都督佐之脫脫故子
孛羅帖木兒襲王 成化八年真者林弒孛羅帖木兒
無嗣王母努溫答力理國事不廢朝貢 九年土魯番

即唐之吐蕃夷

速檀阿力王入哈密劫王母奪金印部落遂播

遷匿苦峪城或附居肅州亦有隨土魯番去者事聞

朝廷命高陽伯李文右通政劉文往撫比至哈密衆已
潰又土魯番去遠文等但調罕東赤斤等番兵數千駐
苦峪數月而還王母金印竟不返蓋自是阿力謂中國
易與志頗驕橫戊戌速檀阿力王死子阿黑麻稱速檀

未定時王母外孫畏兀兒之種都督罕慎寄寓肅州壬寅甘肅守臣以聞 詔歸罕慎襲王爵甲辰遣都御史王繼總兵周王太監覃禮送罕慎入哈密城還 朝皆以興復功受賞罕慎性貪殘及索番使往來道路錢亦多恨者 弘治改元阿里麻年壯調罕慎非脫脫族不當嗣尋以計誘而殺之亦未敢顯言據哈密遂遣使入貢言罕慎病死且乞封時兵部尚書馬文升議阿里麻小夷來亦不拒然自有分地何得擅求代王主哈密宜降 璽書切責 朝廷從之 辛亥王母故其酋牙蘭以金印城池來歸下兵部議會曲先安定王遣使入朝僞稱忠順王裔尚書馬文升曰哈密國回回畏兀兒

哈刺灰三種同居一城種類不貴不相下北山一帶又有小列禿野也克力數種強虜時侵擾哈密須得元遺孽襲封理國事庶可懾服諸番興復哈密遂命通事詢貢使安定王族中子姪誰可主哈密事者貢使舉王姪陝巴對時哈密三種大頭目奄克字刺等亦言之文升遂請於上詔從之壬子春遣使送陝巴入哈密嗣忠順王識者度曰夷虜貴種類曲先本西戎安定本韃靼別部強合爲一又與罕慎異矣土番必不心服及阿黑麻聞之果怒遂殺阿木郎擄陝巴及金印而去時弘治癸丑也報至大學士丘濬謂文升曰哈密事重須煩公一行文升曰西域買胡惟圖窺利不善騎射自古豈

有西域爲中國大患者徐當靖之請行衆謂此一方事耳今北虜在邊四方多故邊事付之何人遂止先阿黑麻遣頭目寫亦滿速兒等四十餘人入貢至是命兵部侍郎張海都督僉事侯謙奉 璽書領貢使往經略之海等至乃遣哈密夷人以 勅往諭阿黑麻順天道歸陝巴金印竟留不報海不得已奏言遠夷不可加兵來則撫之叛則拒絕之而已遂以 上命修嘉峪關止捕其黠詐回回敕令阿黑麻爲奸者二十餘人奏發戍廣西遂閉關絕西域諸番貢令彼結怨阿黑麻以携其黨文昇亦請發寫亦滿速兒等安置廣東福建 甲寅春海等還以無功降海山西叅政謙住俸閑住由是阿黑

麻有輕我心聲言領夷兵一萬用雲梯攻肅州城并蹂
甘州遂復入哈密自稱可汗大掠罕東諸夷報至下廷
臣議文昇言於朝曰土魯番至哈密十數程哈密至苦
峪又數程道乏水草聞夷使入貢多馱水以行使我有
備以逸待勞出奇擊之必令足馬不返此殆以虛聲恐
我耳又以宣示夷使在京者伐彼邪謀已而阿黑麻果
西去令頭目牙蘭率番人二百餘據哈密文昇曰此虜
若專示以恩而不加之威彼終不知畏須用漢陳湯故
事懲之聞肅州撫夷指揮楊翥請夷情因授意彼處守
臣遣翥詣京乙卯翥至文昇首詢以取牙蘭計翥對罕
東衛至哈密道里徑捷若調罕東番兵三千爲前鋒以

漢兵三千爲後援各持數日熟食兼程襲之必成擒矣
文昇大喜請于 上勅巡撫甘肅左僉都御史許進總
兵又都督劉寧分守肅州副總兵彭清及太監陸閏等
帥師由南山捷徑檄罕東調番兵已而寧等兵駐嘉峪
關外候罕東兵久不至寧不得已遂及清冒險而入阿
黑麻聞大兵至先率衆遁惟留大頭目牙蘭與撒他兒
領番夷數百人登臺自保城中空然進至僅斬首六十
餘級而還文昇議以兵遠涉哈密雖未得牙蘭而擒斬
亦多各宜加陞賞從之加閏俸米二十石寧陞左都督
加米百石進陞右副都御史清實授都督僉事久之阿
黑麻以閉關不得通貢貿易且先遣來頭目寫亦滿速

兒等來歸居常恙然 十年丁巳遣使送陝巴及金印

來歸文昇言此虜挾詐俟陝巴金印至甘州然後取寫

亦滿速兒等于閩廣付甘州侯 勅及賜賚是冬起王

越爲太子太保左都御史總制三邊經略哈密明年越

出河西取陝巴至甘州遣千戶張仁奏言近番酋引罪

宜封其故王以守之無何越卒是秋賜陝巴蟒衣彩段

冠服仍封忠順王放寫亦滿速兒等西歸 戊午春陝

巴入哈密仍以三種大頭目都督寫亦虎仙係回奄克

孛刺係畏兀兒拜迭力迷失係哈剌灰翼佐之 庚申甘州巡撫

都御史周季麟以護送陝巴者 上聞論功太監陸闇

總兵彭清都御史周季麟皆賜綵段白金陝巴主國頗

培克屬衛阿孛喇等怨之已而阿黑麻死子速檀滿速
兒立阿孛喇等因誘阿黑麻別子真帖木兒年才十三
入哈密陝巴棄城走沙洲真帖木兒避居刺木城遣人
曰我來恐達賊奪占哈密耳若有人來守我歸本土無
它也時鎮守官遣舍人董傑等偕都督奄克孛羅寫亦
虎仙往諭且令陝巴仍守國阿孛喇不聽欲真帖木兒
守之奄克孛喇遂執阿孛喇等六人殺之還執鎮守官
復遣都指揮朱瑄領兵送陝巴還哈密真帖木兒羈住
甘州 正德元年陝巴死子速檀拜牙郎嗣淫雲不親
政事 八年秋爲屬夷所逐走土魯番速檀滿速兒令
酋目火者他只丁與寫亦虎仙滿刺哈三入哈密取金

印火者他只丁又令哈密都指揮火者馬黑木等至甘
州索賞時巡撫趙鑑以金幣二百往送土魯番諸酉明
年春正月撫夷官纔入哈密滿速兒率衆亦至遂及火
者他只丁及牙木蘭虎力奶翁寫亦虎仙滿刺哈三等
寇甘肅貽守臣書索幣萬計且挾以許我即獻城及金
印否則即挿旗甘州門總制都御史鄧璋請專勅大
臣一人經略哈密九年秋八月又遣都御史彭澤往
時言官咸謂既有鄧璋總制不宜復令澤總督大學士
楊廷和怒斥言者命下澤至會火者他只丁寇赤斤
苦峪諸衛且促幣澤謂夷情可利誘遂遣通事火信馬
馴等偕寫亦虎仙齎幣二千及銀器往贖哈密城印時

虜勢猖獗有變言火信等詔以後增幣一千五百疋時

火信尚未旋澤乞致仕有巡按陝西御史燕澄直定人

澤舊守真定陰授意澄奏言陝西一省鄧璋彭澤並總

戎務動相掣肘乞取回澤別委以重大之寄澤又賄錢

寧新貴陸完等覆其奏召還掌院事

京山高氏岱曰彭澤詐幣贖城事涉

欺罔執謂澤以忠義自許而有是乎或曰澤平中原大盜又靖蜀寇功名以著感滿急欲引退耳然如國事何

哉先是甘肅御史馮時雍奏言土魯番之首長尚爾驕

悍哈密之城印猶未歸復遣使講好大開溝壑之欲要

我以難從之事後事之變故無形非臣愚之所逆覩不

報已而速檀滿速兒亦遣使亦思馬因滿刺朶顏等歸

金城及哈密而留速檀拜牙郎不遣

鄭端簡云是時土魯番四出侵掠關

外諸節及苦峪諸城殘破河西因改趙鑑為操江都御史

西藩籙又結瓦剌窺我河西陸陝西左布政李昆都御史巡撫甘肅昆又以雜幣二百疋付送印使者以歸仍質留虎六寫亦火者撒者兒于甘州以制其變時肅州兵備副使陳九疇言于昆曰彭總督當火者他只丁犯赤斤苦峪之時曲為撫處厚加賞賜被其愚弄猶模稜幹事不能身任利害以主國是復何面目立于天地間昆不能為及亦思馬因等回告速檀滿速兒怒復遣火者他只丁及牙木蘭據哈密又遣倒刺火者等來詰幣又脅土巴部落入嘉峪關誘肅州奸回斬巴思高彥名等為內應九疇亟令遊擊將軍芮寧參將蔣存禮出禦寧全師敗沒存禮僅身免九

疇大懼亟索夷人居肅州城者倉卒驅之出城又收通事毛見虜使巴思通賊都督失拜烟谷等諸奸細撫殺之乃亟調屬夷劫其老營遣人結北虜瓦剌擣其巢穴破三城速檀滿速兒懼尋引退九疇又盡發爲亦虎仙數十年傾陷哈密奸罪坐謀叛論死時正德十一年也於是甘肅御史王光兵科給事中汪玄錫等論劾昆負撫綏之重任昧經國之遠圖養成回賊之患大損中國之威有 勅切責昆尋擢陳九疇爲都御史巡撫甘肅自後土魯番每以殺二夷族使爲釁端不時入寇未幾失拜烟谷子米兒馬黑麻入貢至京因賄貴倖突入長安左門稱冤下錦衣衛令兵部三法司會議行河西訊

報 十三年逮昆九疇至王瓊請廷鞫幾殺澤九疇昆
降浙江副使二人俱削籍 十四年 上幸會同館寫
亦虎仙米兒馬黑麻因權倖得見 上賜國姓從南征
嘉靖改元寫亦虎仙復論斬死獄中瓊謫戍澤起爲
兵部尚書昆侍郎九疇食都御史巡撫甘肅明年米兒
馬黑麻亦論死 二年滿達兒侵甘肅大肆殺掠九疇
出禦大破之殺火者他丁已而兵部尚書金獻民至
逮用九疇議閉關絕貢尋以議者追咎九疇殺夷使遂
罷之 四年牙木蘭復據哈密侵肅州遂入沙州 五
年起楊一清提督軍務一清至亦議還哈密城印許入
貢以此羈縻之未幾一清召入閣以尚書王憲代之憲

乃盡出平涼羈留夷使往土魯番諭以悔過歸我哈密
不報 六年議禮諸臣桂萼方獻夫霍韜張璁並追論
哈密事由楊廷和曲庇彭澤釀茲大釁之急用王瓊以
寧西鄙 七年滿速兒劫我曲先衛人牙木蘭內侵牙
木蘭不從遂擁帳內徙奔肅州乞白城山金塔寺駐牧
因留肅州是春起王瓊兵部尚書兼右都御史代憲瓊
至會滿速兒請以哈密易牙木蘭瓊即欲縛牙木蘭與
之易哈密事聞兵部尚書胡世寧曰曲先衛本中國羈
縻牙木蘭反正歸順非納叛比而哈密空城懸遠無益
事實土魯番善費多巧術往往以珍奇啗時貴自成化
至于今中國爲彼欺今欲甘心牙木蘭以携貳我屬夷

而哈密爲餌釣大利宜勅王瓊爲忠國謀先盡復瓜沙羽翼之地悉收亡失屬夷封植哈密永爲不侵不叛之臣而後請勅降印庶不辱王命且土魯番方恫惴中國懸衡諸夷但遠越流沙烏合難久我大震威略以離其黨購賞義附使相破滅此伐交之術正宜厚牙木蘭以風蠻夷遂留不遣世寧因薦馬昊施儒楊必進陳九疇皆可將語頗侵內閣張孚敬又張與桂萼必欲論九疇死並罪廷和世寧力爭九疇忠勇再保全河西得不殺謫戍邊澤及獻民閑住世寧不安其位遂乞歸以李承勛代之己丑洮岷番賊深入臨鞏等處攻劫寨堡敵傷官軍搶殺人畜時巡按御史胡明善以聞承勛請

于 上曰西番土地因被西海虜酋亦十刺侵占日益
內徙將來番胡交通愈肆猖獗何以善後昔漢趙充國
不戰而服羌貊頻殺羌百萬爲費以億計內地虛耗是
知用勇將者雖可取快目前任老成者必能獲萬全之
策伏望廣宣帝之明專充國之任制馭西番事宜悉令
總制尚書王瓊從長區處 詔從之瓊乃會鎮巡官議
曰番夷反形大著然非臨以大兵則懷疑觀望者撫之
未必即從不即搗其巢穴則怙終不悛者兵退必又復
出乃先遣遊擊將軍彭斌以兵設伏鎮守都督劉文統
兵會洮岷官軍及民大五千餘分布要衝是年二月二
十日兵次于洮岷遂分遣撫夷指揮守武等深入曉諭

各族於是洮岷東路木舍等三十一族西路答祿失等一十三族岷州西溝等一十五族皆受 諭畏服仍給以白旗量加犒賞惟東路若龍族西路板爾等一十一族岷州刺郎等五族恃險不聽三月進兵直抵其巢斬首一百二十三級又兵至著落寺大墻垣等十族又斬首二百二十九級其聽 諭者撫之捷聞 賜勅勞瓊賞銀五十兩紵絲四表裡先是土魯番遣使貢獅子因乞歸哈密通貢瓊遂奏土魯番歸我哈密乞令失拜烟荅子米兒馬黑木守哈密且放歸羈留各番貢使是時獨胡世寧欲專守河西謝哈密無煩憊中國霍韜上議必欲復哈密廷臣右之竟如瓊言

鄭端簡曰是時瓊言滿速兒歸我哈密奉約束朝貢然哈密竟爲土魯番所據安插諸衛夷落皆爲土魯番所逐失其故土駐牧西河塞上北虜盤窟西海尾刺結巢北山河西三面皆有寇盜矣

十一年速檀滿刺兒虎力奶翁同天方諸國入貢詞頗驕慢多所挾求又伴許以哈密城歸先是胡世寧建議忠順王速檀并牙郎已歸土魯番雖還哈密亦其屬夷其他裔族無可立者回回米兒馬黑木之族以其同種類亦畏兀兒哈刺灰二族入居已久欲驅之出城不可也然則哈密將安興復哉縱使今日有忠順王嫡派應立之人朝廷與之金印助之兵糧誰與爲守不過一二

年復爲所據奪也不如閉嘉峪關置哈密不問不必再
辱王命究詰城印以中彼索求之計如彼不肆侵擾則
許其通貢或復爲寇閉絕之庶不以哈密故疲吾中國
之奔命也至是尚書桂萼申議以爲志事功者主于興
復憫民命者頗事棄絕此皆不通時勢而膠于一偏之
見也遂條陳土魯番夷情凡十三款末言哈密之地必
欲興復其勢有五不可又言勢雖不可興復亦不可廢
棄一則祖宗所立之疆土不當棄一則指以恢復爲名
以羈縻夷心彼以爲漢人必不捨此地常以爲奇貨誘
我如棄而不講彼以爲我不以哈密爲輕重必啟其侵
謀肅州之心大爲不可故哈密之地不可恢復而亦不

可棄也。又條甘肅邊事數款上之。制曰可。遂不用兵。
哈密是時來降。人貽大刺言。番酋欲以哈密城與都督
米兒黑木。毋管理兵部。遂請于上。許其通貢者。爲令以
三年或五年爲期。夷使雖多入京。止許十二人。餘留塞
蓋。自是哈密入土魯番據矣。

按西番在 本朝互市茶馬。羈縻得法。雖未大肆而時
入侵擾。屠人苦之。正德初。北虜徙居西海。蠶食諸番。
漸有并吞之勢。識者恐其勾連深入。如前代吐蕃吐渾
谷之事。誠可慮矣。嘉靖己丑。西番數至鞏昌。寇掠敵
殺。官軍焚燒廬舍。隴右之民。深被荼毒。荷蒙 廟謀撫
勦。並用破若龍板風二族。撫定木舍等七十族。正如趙

充國伐先零而赦罕开古今一道也或曰虜在西海既
可慮矣可無備乎曰惟視虜勢之強弱何如耳弱則不
必脩強雖備之而為計甚難前代固有屯兵青海以斷
羌虜連和內侵者矣而徵輪調發大困民力不可為法
也如正德中謀臣不考故實議調朔方勁兵逐勦之虜
避走松潘旋歸故巢費以萬餘計竟無成功此可以為
戒也為今之計惟於洮岷河蘭之地繕城堡遠斥候廣
儲蓄令諸守帥嚴謹脩禦伺海賊強盛連河西番有內
侵之憂則請諸總鎮發精兵駐臨洮鞏昌右天要害之
地以推之斯為良策矣

再按周勃通道始責嚴整光武閉關而謝之誠以其地

不可農其人不可侵第不厯吾疆場之慮斯得計矣馬
鈞陽亦老將哉後來兵之則風氣招之則增幣迭選一
二智謀大臣相繼而往勾當而還嘉靖中霍渭厯力謂
哈密當復條其可虞者三且曰保哈密所以保甘肅保
甘肅所以保陝西也吁胡端敏之議不可易也得老將
如趙充國而專任之且久斯可紓西顧之憂矣

于闐

在葱嶺北二百里東抵曲先北連亦力把力即瞿薩曰那
國也地最大東西五千里南北千里漢設都護治之今
在肅州西南六千三百里自漢至宋朝貢不絕 遼聖
宗統和七年開泰四年俱入貢 金時遣滿剌哈撒木

丁等貢玉璞 十二年吏部員外郎奉使至其國是時
國方削弱鄰國交侵人民皆竄伏山谷間境內蕭索惟
火州魯陳哈失答力阿力稍有城邑 皇明永樂戊子
頭目打魯哇亦不刺入貢以後西戎奉職貢不敢相攻
始得休息行賈諸蕃遂富饒俗喜浮屠法好歌舞人稍
知尊卑禮節有中土風其產玉胡錦獨峰駝乳香礪砂
硃珊瑚翡翠木香琥珀花葉布名馬膾膾金星石水
銀阿魏安息香鷄舌香葡萄獅子

魯陳

魯陳國去哈密千里風俗醇朴人二種回回男子削髮戴
小罩刺婦女白布裹頭畏兀兒男子椎髻婦人蒙皂巾

垂髻于額，但至其國中經大川砂磧，無水草，最難過。牛馬過之輒死。哈失哈力官德間遣十四人來朝貢，或曰：即阿力馬力。

赤斤蒙古

地在肅州之西四百三十里，西至沙州界一百八十里。漢燉煌、酒泉二郡地也。宋爲西夏所據，元爲瓜州地，屬沙州路丞相苦木部居之。皇明永樂二年，故鞬韃丞相苦木之子塔力尼等率五百人來歸。詔設赤斤蒙古千戶，所以塔力尼爲千戶，賜誥印，尋改爲衛。命哈力尼爲指揮僉事。十一年，遣頭目鎖南吉利刺獻叛虜老的罕等陞指揮使。塔力尼卒，子且旺失加襲。自後

朝貢不絕及土魯番亂衛遂播遷其產麋金鼓磬硎砂肉徒蓉胡桐律監輕草栢脉根沙裏駝

罕東

罕東本西戎部落居沙州城在甘州西南亦古燉煌地也
皇明洪武壬申入寇命涼國公往討土酋哈答遁去
丁丑入貢因立罕東衛及罕東左衛官其酋長鎖南吉
刺思爲指揮僉事 永樂二年鎖南吉利思與其兄答
力襲等十六人貢馬陞鎖南吉利思爲指揮使以塔力
襲指揮同知頭目奴奴指揮僉事自是歲貢不絕嘉峪
關諸衛中惟罕東二衛最弱 成化後土魯番迭入哈
密二罕東不能支流散各城 正德中陳九疇擊退土

魯番始稍生聚歸農牧比牙木蘭再入沙州益殘破其
酋七巴等叛附土魯番 嘉靖中命王瓊督兵討之
鄭端簡公云瓊撫住白城山肅州月餉累歲且萬石坐
困邊儲

曲元

地在甘州迤西南東抵安定衛西抵肅州衛亦西戎部落
也漢爲張掖郡地元置曲先答林元帥府 皇明永樂
四年設曲先衛以土酋散西思爲指揮同知 宣德元
年散西思討叛夷有功加國師禪師秩尋遣使入貢
正統二年順目黑麻帖遣指揮火丁等貢方物 嘉靖
中衛人牙木蘭爲土魯番所劫牙木蘭驍勇士魯番時

時率衆侵哈密擾我甘肅已而與土魯番疑貳擁帳內
附土魯番請還我哈密牙不蘭欲殺之警動我屬夷
兵部尚書胡世寧以爲不可乃止自是嘉峪關西諸衛
皆爲土魯番侵擾不復爲我藩蔽

鄭端簡公謂哈密衛安定衛阿端衛赤斤蒙古衛罕東
衛曲先衛罕東左衛皆在嘉峪關外迤西然皆即番酋
統治之不襲前代設郡故智自是沙州徙于嘉峪關兵
守嘉峪以時啟閉以受番使朝貢無它也前代遠戍爲
中國生靈之擾今以夷治夷外攘而內益安

安定阿端

地在罕東之西韃靼別部也其俗馬乳釀酒無城郭居以

種帳產馬橐駝玉石秦漢初猶爲月支匈奴境漢武拓

地始置燉煌郡治焉 皇明洪武甲寅秋八月撒里畏

兀兒安定王卜煙帖木兒或曰亦板丹遣使貢鎧甲刀劍等

上賜織金文綺四疋遣之即其地分爲阿端阿真苦

先帖里四部賜卜煙帖木兒銀印仍稱安定王乙卯夏

四月以安定衛襲封嗣王其四部改置安定阿端二衛

指揮使自是朝貢不絕安定王系哈密宗屬 永樂末

安定與曲先板戕我使臣擾邊 洪熙元年冬十月以

陝西都指揮同知李英爲都督討之英率番漢兵設伏

出奇搗其巢穴擄安定王俘其部落男女千餘人駝馬

牛羊十三萬餘遂平仍朝貢 成化中被土魯番殘破

乃服屬之

亦力把力

亦力把力不知古何國地居沙漠間在肅州西北三千七
百里疑即焉耆或龜茲地也龜茲國在白山南都延城
今其地東西三千餘里南北二千餘里東距火州西抵
撒馬罕兒南接于闐北連瓦剌地無房屋逐水草置羴
帳以居畜牛羊駝馬少五谷飲食惟肉酪衣服類回回
語言類畏兀兒其王髡髮戴單刺帽挿鵝翎設綵繡
羴帳席地而坐與使者相見不拜揖惟行跪禮其山有
白山中常有火煙蓋出礪砂之處採者着木底輿取之
皮者即焦有熱海周數百里夷呼亦息渴兒所產有銅

鐵鉛雌黃胡粉馬羴牛孔雀攴榆駝葡萄刺窰亦有阿
魏白氍布硃砂元名其地爲別夫八里憲宗分建諸王
合丹於此世祖立宣慰司以萬戶基公直爲使後置元
帥府以領屯田

皇明洪武二十四年國王黑的兒火者遣人貢馬 永樂
丙戌王沙迷查干遣人貢玉璞 十六年頭目速哥克
刺滿刺來朝言歪思忒其從兄王納黑失只罕自立爲
王徙其國西去遂更國號亦力把力 正統二年國王
也先不花遣使貢玉璞駝馬 天順以來入貢不絕其
俗逐水草以居食肉酪席地而坐其產銅鐵鉛雌黃胡
粉馬羴牛孔雀攴榆駝葡萄刺窰阿魏白氍布硃砂

火州

地在嘉峪關外東距哈密西連亦力把力南抵于闐北接瓦剌自東南至肅州一月程即漢車師前王治交河城即唐交河郡縣也後爲回鶻所據宋時回鶻入貢元時號畏兀兒太祖平西域置達魯花赤監治之國朝稱火州以其山色如火也皇明永樂己丑冬十月遣人入貢十二年吏部員外郎陳誠至其國歸言風物蕭條市里居民僧堂過半亦皆零落東有荒城故址云古高昌國漢西域長史戊巳校尉並居焉永樂七年火州遣使朝貢宣德五年火州王哈散土魯番萬戶賽因帖木兒柳陳城萬戶尼赤剌俱遣人貢馬及玉璞自

後入貢不絕其俗多匈奴烏孫事神信佛貴食馬好騎射其產馬橐駝胡桃葡萄蚕砂鼠卵砂胡桐律刺密鹽白氍布鑛鐵陰牙角速霍角阿魏火州城東七十里曰柳陳城即唐柳中縣城西百里曰土魯番即唐交河縣其風俗物產大約相同

哈烈

在肅州之西相去一萬一千餘里東北至撒馬兒罕一千四百里即漢之大宛也其地俱平川四面皆大山沙哈魯國人尊之爲速魯檀猶華言君王也東有俺都淮八刺墨等城皆隸焉俗衣服喜鮮潔色尚白有喪易以青國主之居窓壁以金銀瑟瑟爲飾地施氍毹重席而坐

富家居室服用頗同國王禮儀簡略君臣相見但行跪
禮無刑法有罪罰錢而已坊市不設斗斛但用權衡凡
宴會環列而坐酒器用金銀餘用陶瓦食亦無七箸惟
以手取婚室多以姊妹謂爲至親死無棺槨以布囊裹
屍瘞之國有學舍以居遊學之士無正朔不用甲子以
七日爲一周擇日用事則以第一日名阿啼納爲上吉
凡拜天聚會用之酒禁甚嚴修行者多不飲恐褻天也
其產亦有金銀銅鐵珊瑚琥珀珠水晶翡翠名馬狻猊
即獅子織鳥毳爲鎖伏紋如紈綺又有花毯極細密色久
不變食物有葡萄巴旦杏蘿蔔大者重十斤 洪武壬
申遣使 詔諭酋長賜金綺 永樂七年頭目麼齊等

朝貢 正統二年指揮哈只等貢馬玉石鄭端簡云西域或郭諸國

哈烈最鄙陋然有學舍衆生徒講習諸經義省非罰薄賦歛寡爭訟好施予務農桑諸國又不及也

撒馬兒罕

地在亦力把力之西西連哈烈東至肅州九千里即漢之

罽賓地東去嘉峪關九千九百里土田膏腴宜五穀饒

衍甲諸國人物秀美多藝能元駙馬帖木兒主其國東

有養夷其地惟戎半數盲人處孤城頗垣破屋蕭然草莽沙鹿海牙地在撒馬兒罕東五

百里據小岡立城人其地去撒馬兒罕千里達失

繁其地去撒馬兒罕百里上西有渴石地在撒馬兒罕西

午宜五谷人稠密實村諸城皆隸焉 皇明

洪武丁卯國王帖木兒遣回回滿刺哈非思等貢駝馬

詔厚賜

己巳又貢馬

辛未貢青馬賜

敕賚

予之

甲戌帖木兒遣使送力必失上表貢馬二百疋

乙亥

上遣兵科給事中傅安郭驥等使西域遂留

其國已而帖木兒卒孫哈里嗣

永樂五年哈里令虎

女達送安等還且貢方物

詔厚賜

正統十二年貢

馬及玉石十四年又貢 成化十九年阿黑麻王貢二

獅子

上命遣中官迎之

弘治三年由海道貢獅子

禮官倪岳言南海非西域貢道請却之自後貢皆從嘉

峪關入

嘉靖中其國稱王者五十三人皆遣人朝貢

各兒密

在海中地不百里人不滿千家服屬撒馬兒罕 皇明不

樂中遣使十八人來朝貢方物 賜大統曆文綺藥茶

按桂文襄廣輿圖西北夷有小國曰哈三曰哈撒兒沙的密
曰哈失哈兒曰哈的蘭曰賽蘭曰掃蘭曰亦力把力曰乜克
力曰把丹砂曰把力黑曰俺力麻曰脫忽麻曰察力失曰幹
失曰卜哈刺曰怕刺曰失刺思曰你沙兀兒曰克失迷兒曰
帖必力思曰果撒思曰火壇曰火占曰苦先曰沙六曰海牙
曰牙昔曰牙兒干曰戎曰兀倫曰阿迷曰邪思城曰坤城曰
捨墨曰擺音曰克訖曰元方曰旦落謂諸國皆經哈密入貢
或三年五年無恒期後哈密殘破多徑叩嘉峪關然亦未數
至也夏言亦云如日落諸國名甚多朝貢絕少竊觀武王始
通道于西漸漸諸小夷皆得聞我聲教然貢使亦頻數煩費

此召公族契之訓爲萬世慮至遠也

西洋古里

地最大與僧伽密邇西洋諸番之會也去中國十萬里西
瀕大海南距柯枝比接狼奴兒國其產沉香木香西洋
布五色布白鴈胡椒馬五色鴉鵂石 皇明永樂元年
國王馬那必加刺滿遣馬弋朝貢馬三年又遣使朝貢
詔封爲古里國王給銀印 誥命 五年令太監鄭
和賜主 誥幣陞賞其將領有差地頗宜殺麥人淳厚
行讓道路不拾遺最喜事浮屠又柯枝國與錫蘭山相
峙去古里有三十程其國王墳里人也尚浮屠建寺範
金爲佛每旦鳴鐘鼓汲泉灌佛頂數回已乃禮之 永

樂二年王可亦里遣完者答兒來朝貢十年復遣使請
封其國之山 詔封爲鎮國山 御製碑文賜之又有
小葛蘭國與柯枝接壤亦西番諸國馬頭也俗尚浮屠
少物產歲藉榜葛刺國米爲食是時鄭和亦至其國王
瑣里人遂遣使入貢

阿丹

其國邊海倚山國富民饒皆奉回回教 皇明永樂十九
年太監鄭和奉 勅賜王冠衣國王進金鑲寶帶金冠
并鴉姑各樣寶石蛇角等物貢獻

瑣里

西海中小國也產撒哈刺紅八者藍布靚木里布白苾布

續文獻通考

卷三十三

二五

三百六十六
周通

洪武壬子國王卜納的遣其臣撒馬牙茶嘉兒幹的亦刺丹八兒奉金字表朝貢遂圖其土地山川以獻賜統曆金幣 永樂元年復遣人朝貢

阿速

在西海中爲大國俗敬佛畏鬼好布施惡爭鬪物產饒氣涼暄適節 皇明永樂中遣百十二人來朝貢

八答黑商

國中山川明秀人俗朴實奉佛有浮屠數區壯麗如王宮西洋西域皆商販于此 皇明永樂間遣四十人來朝貢方物織皮絨扇香木等

按會典中又載有南巫里國急蘭丹國奇刺尼國夏刺

此國窟察尼國烏涉刺錫國阿丹國魯密國彭加那國
拾刺齊國八可意國坎巴夷替國俱永樂年間朝貢

默德那

與天方接壤即回回祖國也城池宮室田園市肆大類江
淮間寒暑應候民物繁庶種五穀有陰陽星曆醫藥音
樂諸技藝人俗重殺非同類殺亦不食不食豕肉織金
雕鏤器皿最精巧初國王謨罕慕德生而聖靈臣服西
域諸國諸國尊爲別諱拔爾猶華言天使也國中有佛
經三十歲凡三千六百卷書兼篆草西洋諸國並傳用
之隋開皇中國人撒哈八撒阿的幹葛思始傳其教入
中國其教以事天爲本 皇明宣德壬子冬十月國王

遣使隨天方使來朝貢

沼納樸兒

在榜葛迤西古天竺國也在印度之中又名金剛座國而
釋迦得道之所 皇明永樂中遣使詔諭國王一不刺
金遣人來朝貢

榜葛刺

本忻都州府西天有五印度此即東印度也國最大從蘇
門答刺海西北行二十日抵瀾地港是為抽分之所自
港十六站至瓊納兒江有城池街市聚貨通市再行二
十站至板獨哇酋長居焉城郭甚嚴其國王殿宇廣大
平頂以白灰為之周圍以磚灰甃砌內門三重九間殿

柱皆黃銅包飾雕琢花獸左右長廊內設明甲馬隊千
餘外列巨漢明盔明甲執鋒刃弓矢丹墀左右列孔雀
翎扇蓋數百又置象隊百數于殿前王正殿高座嵌八
寶王箕踞坐其上劒橫於膝王及諸官皆回回人男祝
髮白布纏頭圓領長衣束絲襖躡金錦羊皮靴俗尚信
義田豐美一歲二收男女勤耕織婦人穿頭衫圍色布
絲綿不施脂粉耳垂寶釧頂掛纓絡髻椎後四腕手足
戒指又一種印度不食牛肉飲食男女不同處夫死不
再嫁妻死不再娶若孤寡無托則同村人輪膳官有印
章行移刑笞杖徒流軍有糧陰陽醫卜百工技藝大類
中國曆有十二月無閏產高你布兜羅錦翠羽金繡巾

瑠璃 皇明永樂戊子國王雷牙思丁遣人朝貢 賜
王紵絲紗羅各四疋絹八疋王妃紵絲紗羅各三疋絹
六疋 九年至太倉命行人往宴勞之 十三年命少
監侯顯奉 詔勅往諭仍 賜王錦四段綾六十疋頭
目人等各有差已而國王塞弗丁遣臣把一濟等奉金
葉表文貢獻麟 正統三年又表貢今中國佛殿皆金
碧耀日而佛像盤坐豈所謂八寶嵌座而王箕踞者故
仍其俗歟

拂菻

在嘉峪關外萬餘里宋元豐元祐中皆來貢東自大食及
于闐回紇境達中國 皇明洪武辛亥遣其國故民捏

古倫賁 詔諭之尋遣人來貢俗土屋無瓦不尚戰鬪
其產金銀珠西錦千年棗馬獨峰駝巴欖葡萄

天方

在海西之盡古筠冲地舊名天堂國又名西域地多曠漠
風景融和四時皆春田沃稻饒民以安業自不爲盜酋
長治不事刑罰亦無科擾男子削髮以布纏頭婦人編
髮盤頭自古置有禮拜寺寺分爲四方方九十間共三
百六十間皆白玉爲柱黃甘玉爲地中有黑石一片方
丈餘曰漢初時天降也寺層次高上如塔狀每見月初
生其酋長率其民皆拜天號呼稱揚以爲禮又日落聚
爲市蓋日中熱故也產金銀寶石珍珠獅子駱駝祖刺

法豹鹿馬八尺高名天馬珊瑚犀角 皇明宣德七年
國王臣深遣臣沙璫以方物獅子麒麟來貢其國有回
回曆與中國曆前後差三日

牒幹

地在溜山之傍溜山濱海在西海中其溜大者曰八沙溜
曰官嶼溜曰人不知溜曰起來溜曰麻里溪溜曰加平
年溜曰加安都里溜餘小溜無慮三千土人曰此弱水
三千也舟行遇風失入溜即溺 皇明永樂中國王亦
刺福遣使來朝貢

左法兒

會典所載鄭端簡以
與祖法兒爲二國

地在海西北重山地色多黃赤與阿丹同風俗頗淳女人

出則以布堯跽面不令人見俱奉回回教門產西馬鶴
頂駝鷄福祿片腦沉香乳香 皇明永樂中王亞里遣
人來朝貢 宣德中又朝貢

加異勤

西戎一小種也居人不及千家貧窶常傭鄰國 皇明永
樂中國王者麻里柰那遣使別里杲不等來朝貢 宣
德中亦遣使朝貢

白葛達

地小民貧俗尚佛畏刑 皇明宣德中國王遣使十八人
來朝貢

日羅夏治

西海中小國俗崇佛教產胡椒蘇木 皇明永樂三年國王遣其臣文那打時鎮等來朝貢

覽邦

地去西域遠甚洪武九年遣人來朝貢 永樂宣德中嘗附隣國貢方物

納矢者罕

去失刺思數日程俗故事僧僧所至必飲食之尚氣健闘 皇明永樂中遣使十人來朝貢

失刺思

皇明永樂間遣人來朝貢 宣德中遣使八人來朝貢

敏真誠

國亦大 皇明永樂中國王遣四十人來朝貢
波斯以後諸國 皇明無述姑記之以備查攷

波斯

遼太祖天贊二年六月波斯國來貢

木波

初西蕃既哀其苗裔曰董璁其子曰巴毡角始附宋賜姓
趙改名忠順忠順子末吉宋吉子世昌皆受宋官爲左
武大夫遙領來州防禦使襲把羊族長 金定陝西世
昌換忠翊校尉既而兇蘆族長京臧殺世昌金遣兵執
京臧斬之臨洮市以世昌子鐵哥爲把羊族都管大定
四年宋破洮州鐵哥弟結什角與其母走入喬家族避

之喬家族首領播通與隄族木波隄通隄拜丙離四族
耆老大僧等立結什角爲木波四族長號曰王子其地
北接洮州積石軍其南隄通族南限大山八百餘里不
通人行東南與疊州羌接其西丙離族西與盧甘羌接
其北隄拜族與西夏容魯族接高寒無絲粟五穀惟產
青稞與野菜合酥酪食之其疆境共八千里合四萬餘
戶其居隨水草畜牧遷徙不常結什角念金爲其父報
仇欲棄四族歸朝四族不許移刺成至臨洮使人招結
什角乃率四族來附進馬百匹仍請每年貢馬詔曰遠
人慕義朕甚嘉之其遣能吏往撫其衆厚其賞賜後木
波苦邊將貪暴相率爲寇掠同知臨洮尹楊仲武從數

騎入其營曉諭羌人喜悅寇遂息後木波復侵熙河熙河主帥使人諭之曰楊總管來我乃解去熙河具奏金復遣仲武往責以負約對曰邊將苦我今幸見公願終身不復犯塞乃舉酒酌天折箭爲誓仲武因以卮酒飲之曰當更爲汝請若復背約必用兵矣羌人乃羅拜而去

大食

遼太祖三年八月大食國來貢聖宗開泰九年九月大食國王遣使進象及方物爲其子冊割請婚以王子班郎君胡思里女可者封公主降之

吐谷渾

吐谷渾自遼太祖天贊三年攻拔其城後自太宗天顯八年至聖宗統和二年無歲不通貢至興宗重熙十一年以吐谷渾多驚馬于夏詔沿邊築障塞防之自後無聞

党項

党項之於遼叛服不常太祖神冊三年二月党項遣使來貢五年叛因西討党項兵踰流沙拔浮圖城盡取西鄙諸部太宗之世時遣使來貢會同五年党項逆命伐之聖宗統和元年党項十五部復寇邊西南面招討使韓德威破之已奏党項酋長執夷離謹子隈引等乞內附乃加撫納復通貢如初十五年正月河西党項復叛復詔韓德威討復之貢如初十九年三月党項復叛又討

服之貴如初開泰二年西南面招討使斜軫奏党項諸
部叛者皆遁黃河北橫嶺山其不叛者曷黨烏迷兩部
據其地今復西遷謂之則曰逐水草不早圖之恐遂爲
患又聞前後叛者多殺西夏西夏不納詔遣使再問西
遷之意若歸故地則可就加撫諭使不報上怒遂詔李
德昭今党項叛我欲西伐爾當東擊毋失犄角之勢五
年酋長魁可來降太平六年因設党項別部場西設契
丹節度使治之興宗重熙十三年党項等部復叛附夏
國元昊親執党項二部酋長來降自後不復聞云

高昌

高昌即漢車師前後王地光時號畏兀兒地太祖平西域

貢景宗保寧三年貢四年貢五年曩骨德部長曷魯晟
覽來貢開泰五年三月曩骨德部長撒保特賽刺等來
貢興宗二十一年七月遣使詣曩骨德捕海東青鵠

西夏

西夏本魏拓跋氏後其地赫連國也遠祖思恭唐季賜姓
李至宋李繼遷始大據夏銀綬宥靜五州緣境七鎮東
西二十五驛南北十餘驛子德明曉佛書通法律嘗觀
太乙金鑑訣野戰歌製番書十二卷又製字若符篆其
俗衣白窄衫羶冠冠後垂紅結綬自號嵬名設官分文
武冠用金縷貼間起雲銀紙貼緋衣金塗銀帶佩蹀躞
解錐短刀弓矢穿靴禿髮耳重環紫旋襪六襲出入乘

馬張青蓋以其二前引從者百餘騎民庶永青綠華樂
五音爲一音裁禮九拜爲三拜凡出兵四卜一炙勃焦
以艾灼羊胛骨二擇筭擇竹於地求數若揲著三呪羊
夜牽羊焚香禱之又焚穀火于野次晨屠羊腸胃通則
吉羊心有血則敗四矢擊絃聽其聲知勝負及獻至期
病惟召巫送鬼或遷他室名閃病喜報仇有喪則不伐
人負甲葉子背識之仇解用鷄猪犬血和酒貯蠲醢中
飲之誓曰若復報仇穀麥不收六畜死蛇入帳有力小
不能復仇者集壯婦享以酒食趨仇家縱火焚其廬俗
曰敵女兵不祥輒避去訴于官官爲和斷殺人者納命
錢百二十千土產大麥車茺青稞麻子古子蔓酖地蓬

實從容苗小蕪莧席鴉車子地黃葉登厖草沙葱野悲
拒灰條白蒿鹹地松實民年十五爲丁二丁取一爲正
軍負擔雜使一人爲抄四丁爲兩抄它丁皆習戰陣正
軍馬駝各一每家自帳團練使上帳弓矢各一馬五百
匹橐駝一旗鼓五槍劍棍棒抄袋兩氊渾脫鈇鏐箭牌
鉄衣籬各一駝箭三百毛幕一餘兵三人共一幕有砲
手二百人號發喜勇健者號撞令郎齋糧不過一晝則
舉烟揚塵夜則篝火爲候若獲人馬射之號殺鬼招魂
或射草縛人出軍用卑日避晦日多立厓寨設伏兵衣
重甲乘善馬以鉄騎爲前鋒用鉄勾索級聯雖死馬上
不落此其俗大槩也初臣宋賜姓趙已繼遷叛宋附遼

授特進檢校太師都督夏州諸軍事復姓李自後連年
三貢妻以義成公主封夏國王定難軍節度使李繼捧
復附遼授開府儀同三司檢校太師兼侍中封西平王
仍賜推忠効順啟聖定難功臣連來貢繼遷子德明授
朔方軍節度使繼遷死冊子德昭爲夏國王妻德昭子
元昊與平公主以元昊爲駙馬都尉德昭死冊其子夏
國公元昊爲王歲來貢已因納党項之叛興兵攻之元
昊伏罪乃罷兵元昊死子諒祚立爲夏國王初與遼絕
尋稱臣奉貢如故諒祚死子秉常冊爲夏國王秉常死
子乾順冊爲夏國王復尚成安公主遼亡因臣于金天
眷二年乾順死子仁孝立遣使冊命爲開府儀同三司

上柱國後其臣任得敬專國政欲分夏國仁孝分西南
路及靈州囉囉嶺地與得敬自爲國上表爲求封建臣
議許之上曰此必權臣逼奪非夏王本意况稱藩歲久
一旦逼於賊臣朕爲四海主寧容此耶不許其請已仁
孝誅得敬及其黨與上表謝初以仁孝請置蘭州保安
綏德榷場未幾罷至是仁孝請復舊詔仍置綏德榷場
使人止許留都亭貿易仁孝死子純祐立復置蘭州保
安榷場仁孝弟仁友子安全廢純祐自立再閱月死于
廢所使純祐母羅氏爲表言純祐不能嗣守故大臣定
議立安全爲王使奏告遂封安全爲夏國王安全死族
子遵頊立遵頊先以狀元及第元大都督府王立在安

全死前一月時金兵敗績于會河堡夏人乘勢侵掠邊境已廓延路奏夏人牒報用彼國光定年號遂與金絕亡何與金相繼而亡

阻卜

阻卜不詳其始遼太祖太宗聖宗時歲來朝貢聖宗時嘗置阻卜等部節度使其七部太師阿里底因其部民之怨殺本部節度使以叛沿邊諸部皆叛命化哥討之破其酋長烏八之衆烏八尋來朝封爲王詔依舊歲貢馬駝貂鼠青鼠皮等物已阻卜入寇西北路招討使蕭惠破之惠復攻甘州不克師還自是西阻卜諸部皆叛詔蕭惠再討興宗之世朝貢不廢道宗時阻卜酋長復叛

以晉王仁先領禁軍討之擒叛酋以獻餘朝貢如故已
阻卜磨古斯叛發諸部兵討之擒磨古斯以獻餘朝
貢如故至天祚時來貢者二自後無聞焉

西北地附錄

途魯吉 柯耳魯 篤來帖木兒

畏兀兒至元二十年立畏兀兒四處站及交鈔庫 本
朝其地名曰火州城東七十里曰柳陳城即唐柳中縣
城西百里曰土魯青即唐交河縣永樂七年火州遣使
來貢宣德五年火州王哈散土魯番萬戶賽因帖木兒
柳陳城萬戶尾赤刺等俱遣使貢馬及玉璞至今入貢
不絕

哥疾寧

可不里

巴達哈傷

途思

忒耳迷

不花刺

那里沙不

的里安

撒麻耳千

忽檀

麻耳亦囊

可失哈耳

忽炭

柯提

兀提刺耳

巴補

訛跡那

倭赤

若义

柯散

阿忒八失

八里薩

察赤

也云赤

亦刺八里

普刺

也迷失

阿力麻里諸王海都行營于阿力麻里等處蓋其分地也自上都西北行六千里至鵲回五城唐號北庭置都

護府又西北行四五百里至阿力麻里至元五年海都
叛舉兵南來元世祖逆敗之于北庭又追至阿力麻里
則又遠遁二千餘里上令勿追以王子北平王統諸軍
于阿力麻里以鎮之命丞相安童往輔之

哈刺大者 魯古塵

別失八里至元十五年授八撒察里虎符掌別失八里
畏兀城子里軍站事十七年以萬戶基公直戍別失八
里十八年從諸王阿只吉請自太和嶺至別失八里置
新站三十二年立別失八里和州等處宣慰司二十一
年阿只吉使來言元隸只如帖木兒二十四城之中有
察帶二城置達魯花赤就付濶端遂不隸省至是奉旨

誠如所言其還正之二十三年遣侍衛新附兵千人屯
田別失八里置元帥府即其地以惣之 本朝爲亦力
把刀國自洪武二十四年至正統二年入貢不絕

他古新

仰吉八里

古塔巴

彰八里至元十五年授朶魯知金符掌彰八里軍站事
撒耳柯思 月祖伯 阿蘭阿思

欽察太宗甲午年命諸王拔都征西欽義河速幹羅思
等國歲乙未亦命憲宗往焉歲丁酉師至寬田吉思海
傍欽義酋長八赤蠻逃避海島中適值大風吹海水去
而乾生禽歲丁巳出師南征以附馬刺真之子乞歹爲
達魯花赤鎮守幹羅思歲癸丑括幹羅思阿思戶口

阿羅思 不里阿耳 撒吉刺 花刺干模 賽蘭

巴耳赤邦 璫的 不賽因 八哈刺因 怯失

八吉打 孫丹尼牙 忽里模子

可咱隆 設刺子 泄刺失

苦怯 尾夕的 兀乞八刺

毛夕里 設里汪 羅耳

乞里茫沙杭 蘭巴撒耳 那哈完的

亦里法杭 撒瓦 柯傷

低廉 胡瓦耳 西模娘

阿刺模咸 可疾去 阿模里

撒里牙 塔米設 贅章

阿八哈耳

撒里茫

朱里章

的希思丹

巴里打阿

打思班

巴其

塔八辛

不里忒

法因

乃沙不耳

撒刺哈夕

巴瓦的兒

麻里兀

塔里干

巴里黑

吉利吉思城合納謙州益蘭州等處

吉利吉思者初以漢地女四十人與烏斯之男結姻即此義以名其地南去大都萬有餘里相傳乃滿部始居此及元朝析其民爲九千戶其境長一千四百里廣半之

謙河經大河西北流西南有水曰河浦東北有水曰王

須皆巨浸也會謙而注于昂可刺河北入於海俗與諸國異其語言則畏吾兒同廬帳而居隨水草畜牧頗知田作遇雪則跨木馬逐獵土產名白黑海東青

昂可刺者因水爲名附庸于吉利吉思去大都二萬五千餘里其語言與吉利吉思特異晝長夜短日沒時炙羊脾熟東方已曙矣即唐史所載骨利幹國也

烏斯亦因水爲名在吉利之東謙河之北其俗每歲六月上旬刑白馬牛羊濂馬湏咸就烏斯沐漣以祭河神謂其始祖所從出故也

撼合納猶言布囊也蓋口小腹巨地形類此因以爲名在烏斯東謙河之源從出也其境上惟有二山口可出

入山木林樾險阻爲甚野獸多而畜字少貧民無恒產者皆以犂皮作廬帳以白鹿負其行裝取鹿乳採松實及剷山丹芍藥等根爲食冬月亦乘木馬出獵

謙州亦以河爲名去大都九千里在吉利吉思東南謙河西南唐麓嶺之北居民數千家悉蒙古回紇人有工匠數局蓋國初所徙漢人也地沃衍宜稼夏種秋收不煩耘耔或云汪罕始居此地

蓋蘭者蛇之稱也初州境山中居人見一巨蛇長數十步從穴中出飲河水腥聞數里因以名州至元七年詔遣劉禮好爲吉利吉思撼合納謙州蓋蘭州等處斷事官即于此修庫廩置傳舍以爲治所先是數部民俗皆

以杞柳爲杯皿刻木爲槽以濟水不解鑄作農器好禮
聞諸朝乃遣工匠教爲陶冶舟楫土人便之